

लक्ष्मी

व्यवसायिक पत्रकारिता, थॉंया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।

लक्ष्मण गामाल 'चिलंमि'
प्रोप्राइटर

लाखा छें
LAKHA CHHEN

सोहरखट्टे, वडा नं. १६, येँ, फोन नं.: ४३६०७५८

थुकि दूने



રુપા સુનાર ઇર્સેજ સરસ્વતી પ્રધાન

वहस सहि दिशाय् न्हयानाच्वंगु दुला ?

लहना संवाददाता

बबरमलहया छँ बालं बीगु काण्डय् छँ
 शुवा: सरस्वती प्रधानयात त्व:तेधुंकल।
 जातीय भेदभाव याना: कोथा बालं मब्यू
 धङ्गु द्वर्प प्रमाणित यायूत प्रमाण मगा:गु
 धासें आरोपित सरस्वती प्रधानयात यैं
 जिल्ला अदालतं त्व:ताब्यग ख:।

अदालतं थःगु फैसला न्यंकाबीधुंकल,
सरस्वती प्रधान हिरासतं रिहा जुयाः छैय् नं
थ्यनेधुंकल । तर थ्व विषयया वहस धाःसा
आःतकं ख्वाउँइ मफुनि ।

विशेष यानाः सामाजिक संजालय् थ्व
विषययात कयाः आरोपी रुपा सुनार पक्ष
व आरोपित सरस्वती प्रधान पक्षधरतय्
दथुइ सामाजिक संजालय् वहस आः नं
तच्चयाच्चंगु दनि । निगुलिं पक्ष थःगु खँ
प्रमाणित याय्त थःथःगु कथंया तर्कत
न्त्यब्बयाच्चंगु दु । तर थुगु वहसया दथुइ
निगुलिं पक्ष थःपिनिगु वहसं गुगु मोड
कयाच्चन, थ्व वहस गुखे वनाच्चन धइगु
खँय् धाःसा ध्यान मय्गु खनेदत ।

लिपांगु इलय् वयाः थुगु वहसं
राजनीतिक मोड नं कयाहःगु दुसा दलित
भर्सेज नेवारया रुपय् मनूतयूसं सामाजिक
संजालय च्वयगु यानाहःगु दु ।

सामाजिक संजालयू स्वल धाःसा
नेवाःतयूसं दलितयात कयाः ब्वः बियाच्च्वंगु
दु। सुनार थर हे किटान यानाः, कामीत
हे धाधां समग्र दलित समुदाय, कामी



समुदाययात हे ब्वः बियाचवंगु खनेदु ।
आःया घटनाया विश्लेषण लिपा जक
यायु, समार्ज दलितप्रति याइगु व्यवहारयात
छकः लनास्वयु । धयाकथं प्याःचाःम्ह
दलितं लः छकः नं त्वनेमदइगु, शिक्षा
बन्चित जुयाच्वनेमाःगु, समार्ज वहिष्कृत
जुयाच्वनेमाःगु पीडा उमिसं फयावःगु ला
खायगु सत्य खःगु हे जुल । रुपा सुनारया
वहसलिसं कमला रसाईली व दिपा परियारं
कोथा बालं कायगु खँय फयमाःगु जातीय

विभेदया खँ पिहांवःगु दु । कोथा बालं
बीगु खँ पक्का जुयाः बैना नं काय्धुंकाः व
सम्भौता नं जुइधुंकाः कमला रसाईलीयात
वयागु थर सीधुंकाः छैँय पूजापाठ
जुयाच्चनी, छ वय्या जातयान्हेसित कोथा
बी फइमखु धयाबिल । दीपा परियार केसय
ला कोथा बालं बीधुंकाः बालं चवंःगु
कन्हयकुन्हु वयाः क्वय्या जातयान्हे धकाः
कोथा त्वःताब्यु धाःवल, उल जक मखु,
लिपा वयाः कोथाय् तयातःगु सामान हे

दक्कं वाङ्मयाबिल । गांगामय् ला थौतक न
छुवाछुतया रुप भयावह हे दिन । तर शहरय
नं जातीय छुवाछुत तना हे वंगु अवस्था
मदुनि धङ्गु खँ दीपा व कमलाया केसं नं
पष्टी याः ।

तर रुपा सुनारया केस भचा पाःगु
खनेदु । थन कोथा बालं नं ब्यूगु मदुनि व
बैना, सम्भौता आदि छुं हे जूगु अवस्था
मदुनि ।

ल्यं ७ पेजयू

यें महानगरं हल करीब १९ अर्वया बजेट व कार्यक्रम



बजेटयू कार्यालय सञ्चालन तथा

प्राशासनिक क्षेत्रपाखे ३ अर्ब ७५ करोड ७७ लाख, आर्थिक विकास क्षेत्रपाखे ५५ करोड सामाजिक विकासपाखे २ अर्ब ७० करोड पूर्वधार विकासपाखे १० अर्ब ८० करोड व सुशासन व अन्तर सम्बन्धित क्षेत्रपाखे १ अर्ब १५ करोड प्रस्ताव या:गु दु । 'प्रस्तावित बजेटयु कोभिड-१९ महामारी यांना: वगु परिस्थितियात सम्बोधन, महानगरवासीय विकासप्रतिया उत्कट चाहना, वंगु दैयु यानागु सेवाग्राही सर्वेक्षणयु महानगरवासीं ब्यूगु सुभाव, वंगु दैयु बजेट कार्यान्वयनयु खनेदुगु समस्याया सम्बोधन यानागु दु' महानगर उपप्रमुख खड्गीं धयादिल ।

ल्यं ७ पेजयू



सम्पादकीय



नेपालय समाचार सुं छगू पक्षया पक्षपोषक जक खत ला ?

खैँ थौं छन्हुया जक मखु, अथवा थौं कन्हय दुनेया छगू निगू घटनाया जक न मखु । नेपालय हरेक इलय छुं न निगू पक्ष दथुइया घटना, प्रसङ्ग आदिया समाचार सम्प्रेषण जुल कि छगू जक पक्षया पक्षपोषण जुयाचवंगु दइ । लिपांगु घटनाक्रमया समाचार छकः न दुवालास्वय । अप्वः थे तः धंगु धाय्काचवंगु संचारमाध्यमयसं छगू पक्षया जक खैँ कः घानाः जातीय विषययात भरपुर ल्हवन, गुकिया लिचवः समाजय राज्यपाखे उत्पीडित, उपेक्षित निगू समुदाय दथुइ हे द्वन्द्व जुइगु जक मखुला धइगु ग्याःचिकु ब्वलंकाब्यूगु दु । आः या अवस्थाय निगू समुदाय दथुइ थवथवय दोषारोपण जुयाचवंगु दुसा उकिया जिम्मेवार नेपाली संचारमाध्यमत हे खः ।

आपाःथे मिडिया छैथुवाः या छुं हे कथंया भर्सन कः घायगु कुतः तर्क मयाःगु हे खनेदत । समाचारया हेडलाइन हे गज्याःगु वल ? 'जातया नाम कोथा मब्यूह छैथुवाः यात प्रहरी ज्वन ।' न्यायालय न्हयार्थेजाःगु फैसला याय्मा, संचारमाध्यम नि फैसला यानाबीधुकल, जातया नाम कोथा मब्यूगु धकाः । अथे हे मेगु हेडलाइन, 'जातीय भेदभाव याःमह घरपति पक्राउ ।' हेडलाइननिसें हे समाचार गुगु पक्षयात लनाच्वन धइगु सीदु । छगू समाचारय ला छगू पक्षयात पं लि त लि । फलोअप न्यूज तर्क मदु । मेगु समाचारय घरपतिया भर्सनयात कः घाय धइगु तर्क बिचाः मयाः मिडियातयसं ।

चवय न न्हयथनेधुन, थव आः छकः जक जगू मखु । घरपति व डेरावालाया समाचार जक लुमंकास्वय । न्हापाया लकडाउनय किपूया घटना हे लुमंके । उकी ला बालं च्वनाचवमह तर्क मखु, लकडाउनय एम्बुलेन्सय च्वनाः पिने जिल्ला वयाः केहँया डेराय चवःमहेसित घरपति व स्थानीय वासिन्दा अले जनप्रतिनिधि क्वारेन्टाइनय च्वनेगु व्यवस्था यानाब्यूगु घटनायात संचारमाध्यम गुगु मोड बिल, व कम से कम किपूमितयसं नि त्वःमंके फइमखु । वडाध्यक्ष क्वारेन्टाइनय तयधुंकाः सामाजिक संजालय फोटो सार्वजनिक यात नं, विज्ञप्ती जारी यात नं उकिं गुगु नं संचारमाध्यमय थाय कायमफुत, बरु घरपति गर्भवति डेरावालायात चान्हय डेरा पितिन धकाः कपोलकल्पिक समाचार जक पिहांवल ।

कलंकीइ बाः मब्यू धकाः घरपति धाःगु खँय घरपतिया खँ सुनां कः घात ? बरु लकडाउनय कोथाया बाः काःवल धकाः छैथुवाः यात खलनायक दय्काः समाचार पिहांवल । उलि जक मखु, पत्रकारिता क्षेत्रय ताः इलनिसें सक्रियमह, नेपाःया दक्कले तः धंगु कथं कयातःगु संचारमाध्यमय ज्या यानाचवमह हिमेश बज्राचार्यया सवालय नं नेपाःया संचारमाध्यम छगू जक पक्षया पक्षपोषण याय्गुलिं ल्यूने मलात ।

हरेक खुसी घरपति व डेरावालाया खँ वल कि, नेपाःया संचारमाध्यम वा समाचार न्हयाबले घरपतिया विरुद्ध हे एकपक्षीय रुप दनाबीगु छाय खः ? छुनेपाःया पत्रकारतय निति समाचार धइगु थथे हे पक्षपोषण याय्गु अले समाजय द्वन्द्वया अवस्था दय्केत हे जुल ला ?

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय बिचाच्वना । पिदंगु च्वसुयात उचित पारिश्रमिक बीगु नं सुचं बिचाच्वना ।

लहना वाःपौ

भोछैँ, यँ

lahana.news@gmail.com

ज्या छरे रेखँ छरे

छम्ह राष्ट्रप्रमुखयाके सहनशिलता, मेपिनिगु खँ न्यनेगु, बिज्ञपिसं ब्यूगु सुभाब मनन यानाः देय विकासया निति माःगु योजना दय्केगु खः । तर वर्तमान प्रधानमन्त्रीयाके अज्याःगु छुं न गुण खने दयाचवंगु मदु । उकिया कारण गनं वय्कःया राजनीतिक पृष्ठभूमि जक मखुला धइगु न्हयसः ब्वलनाचवंगु दु ।



दिलिप शाही 'शान्तिजजु'

प्रधानमन्त्री केपी शर्मा ओली छगू ज्याइवलय न्ववाय्गु इवलय धयादिल, 'आःया राजनीतिक प्रणालीयात ल्यंकेमाः ।' निश्चित रुप आःया राजनीतिक प्रणालीयात ल्यंकेमाः तर उगु प्रणाली ल्यंकेगु निति प्रधानमन्त्री गुलि भूमिका महिल धइगु खँ धाःसा हाकन न्हयसःचिं जुयाः दनाचवंगु

अदालत खारेज याना बी धुंक्गु दु । तर न प्रधानमन्त्री ओली थःगु अज्याःगु ज्यायात सर्वोच्च अदालत खारेज याःसां न उकियात वेवास्ता याना वयाचवंगु दु । थव धइगु छगू कथं प्रधानमन्त्रीया अनैतिक ज्या खः । राष्ट्रयात गतिशिल याय्गु निति कार्यपालिका, व्यवस्थापिका व न्यायपालिकायात सन्तुलित रुप न्हयःने यंकेमाः । यदि थव स्वंगु प्रणाली दथुइ छुं न कथंया समस्या ब्वलन धाःसा उकिया लिचवः मुक्कं देय्का विकासय लाइगु स्वभाविक खः । तर प्रधानमन्त्री केपी शर्मा ओली कार्यपालिकायात गुकथं न्हयाकेमाःगु खः उकथं मन्त्र्याकूसे थः यत्थे न्हयाकाचवंगुलिं थौं देशय थीथी कथंया समस्या ब्वलंगु खः । प्रधानमन्त्री आपालं सरकारी निकाययात थःगु मातहतय तयातःगु दु । गुकिं यानाः कर्मचारीपिसं ज्या याय् माल धाःसा फाइल ज्वनाः प्रधानमन्त्री क्वाटरय

खँ लहानाचवंगु धइगु छगू कथं वय्कः दुने ब्वलनावःगु सत्ताच्युत जुइ धइगु ग्याःचिकु जर्क मखुला । आम मनूतयसं न्हयसः तय्गु यानाचवंगु दु । गुगु नं कथंया गलत ज्यायात गलत खः धाय्वं उकियात भिंकेगु ज्या छम्ह राजनीतिक नेताया गुण जुइमाःगु खः । तर भिथाय धाःसां राष्ट्रप्रमुख थःगु गलत ज्यायात भिंकेगु स्वयां लाथेपाखे न्ववाय्गु ज्या गुलि तक पाय्छि खः ?

खः छम्ह राष्ट्रप्रमुखयाके सहनशिलता, मेपिनिगु खँ न्यनेगु, बिज्ञपिसं ब्यूगु सुभाब मनन यानाः देय विकासया निति माःगु योजना दय्केगु खः । तर वर्तमान प्रधानमन्त्रीयाके अज्याःगु छुं न गुण खने दयाचवंगु मदु । उकिया कारण गनं वय्कःया राजनीतिक पृष्ठभूमि जक मखुला धइगु न्हयसः ब्वलनाचवंगु दु । आः हे स्वयं गःसां वय्कःया ल्यूने राजनीतिक पृष्ठभूमि दुपिं



दु । प्रधानमन्त्री ओली राजनीतिक प्रणाली हाकां गाःगुलिं यानाः हे थौं देय छगू कथं अस्थिरताया लैपुइ लानाचवंगु खः । नेपाःया वर्तमान राजनीतिक अवस्थाय धरापय लानाचवंगु मू कारण धइगु प्रधानमन्त्री केपी शर्मा ओली व राष्ट्रपति विद्यादेवी भण्डारीया असंवैधानिक ज्यां यानाः खः । उपिं निम्हेसिया ज्याया कारण यानाः थौं सर्वोच्च अदालतय सरकारविरुद्ध छगू लिपा मेगु मुद्दा दर्ता जुयाचवंगु दु । तर प्रधानमन्त्री थम्ह न्हयाकाचवंगु असंवैधानिक पलाःयात धाःसा दिकेगु ला गन गन अःखत उकियात निरन्तरता बियाचवंगु दु ।

सर्वोच्च अदालत लिपांगु इलय वयाः प्रधानमन्त्री केपी शर्मा ओली विस्तार याःगु मन्त्रिमण्डलयात असंवैधानिक धासें उकियात खारेज याना बी धुंक्गु दु । थव छगू कथं प्रधानमन्त्रीया असफलता खः । तर प्रधानमन्त्री उकियात स्वीकार याय् फयाचवंगु मदु । उकिया मू कारण धइगु प्रधानमन्त्रीया अहम्ता खः धकाः राजनीतिक वृत्तय धाय्गु यानाचवंगु दु । छखे सर्वोच्च अदालत प्रधानमन्त्री विस्तार याःगु मन्त्रिमण्डलयात असंवैधानिक धयाचवंगु इलय हे हाकन प्रधानमन्त्री ओली थीथी संवैधानिक निकायया प्रमुख नियुक्त याय्गु ज्या याःगु दु । थव नं छगू कथं असंवैधानिक पलाः खः । उकियात कयाः न मुद्दा दर्ता याइगु सम्भावना आपालं दु ।

अथे ला प्रधानमन्त्री केपी शर्माया आपालं गैर संवैधानिक ज्या सर्वोच्च

वनेमाःगु अवस्था दु । थुकिं यानाः इलय ज्या मजुइगु जक मखसे, थुकिं मुक्कं देय्का विकासय तर्क लिचवः लाइ ।

कार्यपालिका थुज्वःगु देशय न्हिथं वइगु समस्या गुकथं समाधान याय्गु धकाः निरन्तर रुप न्हयानाचवनेमाःगु संस्था थौं अदालतया मुद्दाय तयनेगु उचित मखु । तर बिडम्बना कार्यपालिकां फुक्कं अधिकार थःथाय केन्द्रीत याय्वं उकिया लिचवः देय न्यंके लानाचवंगु दु । अभ तसकं महत्वपूर्ण खँ धइगु कार्यपालिकाया प्रमुख दायित्व संविधानया रक्षा याय्गु खः तर वर्तमान प्रधानमन्त्री केपी शर्मा ओली दकले अप्वः संविधानया उल्लंघन याय्गु ज्या यानाचवंगु दु । सर्वोच्च अदालत प्रधानमन्त्री ओली पुस ५ गते विघटन याःगु प्रतिनिधिसभायात पुनर्स्थापना याय्गुकाः हाकन प्रतिनिधिसभा विघटन यानाः मेगु असंवैधानिक पलाः छिनाः थःगु आज्जु छु खः धकाः स्पष्ट याय्गु दु । अथेजुयाः आःया अवस्थाय प्रधानमन्त्री ओली संविधानया रक्षा याइ धकाः धाय्गु म्हासय म्हेके थें जक जुइ ।

प्रधानमन्त्री व राष्ट्रपतिया असंवैधानिक पलाःयात कयाः थीथी कथं आलोचना जुयाचवंगु दु । अले अज्याःगु आलोचनापाखे वःगु सुभाबयात कयाः थःत भिंकेगु स्वयां न राष्ट्रपतिया आलोचना जुल धकाः उकियात कयाः न थीथी व्यक्ति, नेता वा आलोचकपिनिगु आलोचना याय्गु ज्या प्रधानमन्त्री यानाचवंगु दु । राष्ट्रपतिया गलत ज्याया आलोचना जुइगु स्वभाविक खः । प्रधानमन्त्री थुकिं लाथेपाखे

स्वयां बिस्कं पृष्ठभूमि दुपिं कार्यकर्ता हे अप्वः दु । उमिगु स्वार्थ धइगु राष्ट्र व जनताया विकास स्वयां थःगु विकास न्हापांगु प्राथमिकता खः । अले उकथं हे प्रधानमन्त्री नियुक्त यानातःपिं सल्लाहकार स्वःसां देय्का निति बिडम्बना धाय्माःगु अवस्था दु । राष्ट्रप्रमुखया सल्लाहकारतयसं राष्ट्रप्रमुखयात माःगु सल्लाह बीमाःगु खः । गुकिं प्रधानमन्त्रीयात लोकप्रिय याइ । तर प्रधानमन्त्रीया सल्लाहकारतय गतिविधि स्वयं गःसा प्रधानमन्त्रीयात लोकप्रिय मखुसे अभ अप्वः बदनाम याय्गुलिइ तल्लिन जुयाचवंगु महसुस आम जनतां यानाचवंगु दु ।

प्रधानमन्त्री केपी शर्मा ओली धाःथें तुं आःया राजनीतिक प्रणालीयात ल्यंकातय्गु खःसा दकले न्हापां वय्कलं छिनादीगु असंवैधानिक पलाः दिकेमाः । राजनीतिक प्रणालीयात थम्ह हे ध्वस्त यानाः राजनीतिक प्रणाली ल्यंकेमाः धाय्गु खँ छता ज्या छताया दसु खः । आः न ई दिन, देय्कात राजनीतिक दुर्घटनापाखे यंकेगुलिं पनेगु खःसा प्रधानमन्त्री गुलि न असंवैधानिक ज्या याःगु दु, उकियात भिंकेमाः । अभ ला प्रधानमन्त्रीया असंवैधानिक पलाः सर्वोच्च अदालत तक्वः हे भिंकेधुंक्गु अवस्थाय आः वय्कल थःगु राजनीतियात लोकप्रिय याय्गु छगू जक लैपु धइगु नैतिकताया आधारय बीगु राजीनामा हे खः । यदि धात्ये प्रधानमन्त्रीयाके वर्तमान राजनीतिक प्रणाली ल्यंकेमाः धइगु चेतना वःगु खःसा थव छगू बालाःगु मौका खः ।





શ્રીનિવાસ મલ્લયા સિંહાસન, ચલ



फिल्म नेपाःया भुमि विदेशया



विजयरत्न असंबरे

बलिउडय् आपालं हिन्दि फिल्मत थःगु देशं पिने वनाः दय्केगु चलन दुसा खस नेपाली भाय्पा फिल्मया ख्यलय् थौकन्हय् विदेशय् शुटिङ्ग धइगु सामान्य खँ जुया वय्धुकल। प्रियंका कार्की व दयाहांग राईया मेन रोल दुगु 'ह्याप्पी डेज' लण्डनय् शुटिङ्ग याःगु फिल्म खःसा थौकन्हय् लण्डनय् हे 'ईण्टुमिण्टु लण्डनमा'या शुटिङ्ग जुयाच्वंगु दु। थ्व फिल्मय् साम्राज्ञी राज्य लक्ष्मी शाहया मेन रोल दु। थगुने नगुने पिदंगु फिल्मय् 'द वीनर', 'सफर' थेंज्याःगु फिल्मया नापनाप 'परदेशी', 'मन त परदेशी' विदेशय् शुटिङ्ग याःगु फिल्म खः। अले लाबला न्ह्यःतिनि पिहांवःगु 'ह्याप्पी न्यू इअर' नांयागु फिल्म अष्ट्रेलियाय् शुटिङ्ग याःगु खः।

भिन्तुना जोशी व सुरेन्द्र तुलाधर नं अष्ट्रेलियाय् वनाः अन हे 'म्हसिका' नांयागु नेवाः फिल्मया शुटिङ्ग यानाः लिहांवःगु खः। अन हे च्वनावयाच्चीपिं नेपालीत (नेवाःत नं) मुनाः नीस्वनातःगु चिनारी नेपाल नांयागु संस्थाया कुतलय् 'म्हसिका' फिल्म दय्कूगु खः। नेपाल पिने दय्कूगु थ्व न्हापांगु नेवाः फिल्म खः। विदेशय् शुटिङ्ग याःगु मेगु छगु नेवाः फिल्म 'तुयूमति' खः। थ्व फिल्मया शुटिङ्ग लण्डनय् जूगु खः।

नेपाल पिने नं नेपाली फिल्म दय्कूगु दु धइगु खँ आपाःसिनं मस्यू जुइमाः उकीसनं नेपाली फिल्मया ईतिहास हे नेपाल पिने न्ह्याःगु खँ स्यूपिं ला म्हवः हे जक दु जुइमाः। तर थ्व खँ सत्य खः। सत्य जक मखसे फिल्मया नां तक 'सत्य हरिश्चन्द्र' खः। वि.सं. २००८ सालय् पिल्वःगु 'सत्य हरिश्चन्द्र'या निर्माण सम्बन्धी सकतां ज्या भारतया कलकत्ताय् क्वचाय्कूगु खः। भारतय् च्वनावयाच्वाम्ह छम्ह नेपाली डि.बी. परियारया कुतलय् तयार जूगु 'सत्य हरिश्चन्द्र' स्वया धाईपिं नं थौकन्हय् म्हवः जक खनेदु। आःतक नं नेपाःया छगु दुयंगु फिल्म धकाः बय्बय् यानावयाच्वंगु 'पराको आगो' नांयागु फिल्म नं वास्तव्य भारतीय भूमि हे निर्माण जुयावःगु फिल्म खः। नांदम्ह साहित्यकार गुरुप्रसाद मैनालीया तसकं स्थल्लाःगु बाखं 'पराको आगो'यात हे फिल्म कथं दय्कूगु थ्व फिल्मया निर्देशक प्रताप सुब्बा खः। प्रताप सुब्बा थ्व

नेपालय् फिल्म दय्केगु सरकारी पलाःकथं दय्कूगु आमा, परिवर्तन, हिजो आज भोलि थेंज्याःगु फिल्मं स्वकुमिया नुगः साले मफयाच्वंगु इलय् हिन्दी फिल्मया नांदम्ह हिरोनी माला सिन्हायात कयाः दय्कूगु नेपाली फिल्म 'माइतीघर' नं वास्तव्य भारतीय भूमि हे दय्कूगु फिल्म खः।

फिल्मया लुखां बसुन्धरा भुसालयात दकलय् न्हापांगु खुसी मूनीकं कथं ज्या याकूगु खःसा थ्वसिबे न्हापा 'पनिब्वाई' नांयागु छगु डकूडामा दय्कूम्ह प्रताप सुब्बा नीर शाहयात दकले न्हापांगु खुसी अभिनय याकूगु खँ थन लुमकेबहःजू।

थथे आपालं लुमकेबहःगु योगदान ब्यूम्ह प्रताप सुब्बा हे हिन्दी फिल्मय् न्हाय् धस्वाकेत ताःलाय्धुकूम्ह डेनी डेंजोपायात 'मशाल' फिल्मया लुखां दकले न्हापांगु खुसी नेपाली फिल्मय् न्ह्यब्वःगु खःसा लिपा प्रताप सुब्बा 'कहीं अँध्यारो कहीं उज्यालो' व 'बाँचन चाहनेहरू' नांयागु फिल्म नं भारतीय भूमि हे दय्कूगु खः। दार्जिलिङ्ग व थुकिया जःखःया थासय् शुटिङ्ग यानाः भारतया हे कोलकाता वा बम्बईलय् वनाः सम्पादन ईयादी क्वचाय् कीगु थज्याःगु फिल्मं नेपालय् बांलाक बजाः काय्फूगु धाःसा खनेमदु। तर थन थ्व खँ त्वःमके मज्यू कि नेपाली फिल्मया थपुतिङ्ग भारतीय भूमिया तःधंगु ल्हाः दु। थ्व भूमि च्वनाच्चीपिं शम्भु प्रधान, तुलसि धिमिरे, नूतन प्रधान, भारती गजमेर, चन्द्र प्रकाश धिमिरे, बन्नी प्रधान, उत्तम प्रधान, शान्ता नेपाली थेंज्याःपिं फिल्मकःमितय्सं नेपाली फिल्मया निर्माण न्ह्याकेगु ज्यासिसे कयाः आःतक नं दिपाः मदय्क थःगु हिचःति हाय्का वयाच्वंगु दु धाःसां छुं पाइमखु। उकिसनं भन थौकन्हय्या नम्बर वन हिरोनी धयातःम्ह निरुता सिंह तक उखेयाम्ह खः धइगु खँ गथे यानाः त्वःमकेगु ?

नेपालय् फिल्म दय्केगु सरकारी पलाःकथं दय्कूगु आमा, परिवर्तन, हिजो आज भोलि थेंज्याःगु फिल्मं स्वकुमिया नुगः साले मफयाच्वंगु इलय् हिन्दी फिल्मया नांदम्ह हिरोनी माला सिन्हायात कयाः दय्कूगु नेपाली फिल्म 'माइतीघर' नं वास्तव्य भारतीय भूमि हे दय्कूगु फिल्म खः। तर थ्व फिल्मय् लाय् (लगानी) तःपिं जनरल नर शम्शेर ज.ब.रा. व वय्कःया पासापिं जूगुलिं थुकियात विदेशी भूमि हे दय्कूगु द्वपं मवल। बरु 'माइतीघर'यात दकले न्हापांगु खुसी निजी लगानीकर्तातय्सं लाय् तःगु फिल्म कथं कयातःगु दु। अबाय्ति नेपालय् फिल्म



दय्केत माःगु छुं नं सुविधा मदुगुलिं नेपाल पिने वनाः दय्केमाःगु खःसा गुलि लिपा तक नं शुटिङ्ग छगु जक नेपालय् यानाः मेमेगु दक्क ज्या पिने याय्मालाच्वंगु खँ नं थन न्ह्यथनेबहःजू।

बाध्यताया थज्याःगु खँ त्वःताः मेखे मिखां ब्वयगु खःसां नेपाली फिल्मय् पुनर्जागरण हयेत तक भारतीय भूमि हे ग्वाहालि यानाच्वंगु याउँक हे खनेदइ। छायाःसां शम्भु प्रधानया 'सम्भ्रना' व तुलसि धिमिरेया 'कुसुमे रूमाल'यात स्वकुमितय् दथुइ लोकह्वाससिसे हे जक नेपालय् नेपाली फिल्म दय्केगु ज्याय् तीब्रता वःगु खँ न्ह्याम्हेसिनं स्यू। अले थ्व निगुलिं फिल्म भारतीय भूमि हे तयार जूगु फिल्म खः। लिपा जक नेपाली निर्माता छम्ह छम्ह दय्काः थ्व फिल्मयात नेपालीकरण याःगु खँ थन च्वय्बहःजू। थ्व निगुलिं फिल्मं नेपाली फिल्मया ख्यलय् छुं धकाः धयातःम्ह प्रकाश थापा धुंकाः निर्देशनय् दुयंगु ल्हाः दुपिं कथं तुलसि धिमिरे व शम्भु प्रधानया नां खनेदयावःगु खः। लिपा वनाः शम्भु प्रधान थः अबुया नेपाली नागरीकताया लिधंसाय् थःत याकनं हे नेपाली धाय्केत ताःलात। तर तुलसि धिमिरेयात थथे याय्थाकुल। सायद अथे हे जूगुलिं जुइमाः, तुलसी धिमिरे आःतक नं थःगु मातृभूमि सिक्किमय् वनाः फिल्म दय्केगु ज्या मत्वःतुनिगु जुइमा। वय्कःया अतिकं बय्बय् जूगु दक्षिणा, दर्पण छँया व साईत फिल्मया दक्क धइथें शुटिङ्ग उखेपाखे हे क्वचायेकूगु खः।

राजेश हमाल, सिर्जना बस्नेत, पुजा चन्द म्हितूगु 'भूल' नांयागु छगु फिल्म नं भारतीय भूमि हे तयार याःगु नेपाली फिल्म खःसा थ्व फिल्मयात नेपाली फिल्मया ख्वाःपाः पुइका थनया सरकारी सुविधाया लवः काय्त

थुखेपाखे नं भतिचा शुटिङ्ग याःगु खः। तर थुकिं थनया सरकारया मिखाय् धुलं छ्वाकेमफुगुया लिच्च कथं थ्व फिल्मया क्यनेज्या तक थन बांलाक न्ह्याकेमफुत। थ्वहे 'भूल' फिल्मया निर्देशक श्याम प्रधान आः वयाः हाकनं छक्कः 'संजीवनी' नांयागु छगु फिल्म दय्कल। भरना बज्राचार्यया मू भुमिका दगु 'संजीवनी' फिल्मया छुं ब्वया शुटिङ्ग नेपालय् नं जूगु खःसा आपालं शुटिङ्ग सिक्किमय् हे क्वचाःगु खः। हिन्दी भासं तक दय्केगु ग्वासाः दुगु 'संजीवनी'या मेमेगु ज्या धाःसा थन नेपालय् हे जूगु खः। नेपाल पिने खास याना? भारतया थीथी थासय् उकिसनं दार्जिलिङ्ग, खरसांग व सिक्किमय् शुटिङ्ग जूगु मेमेगु फिल्मय् भोडा, जार, अर्को जन्म, लभ ईन सिक्किम, ईशारा, कथा, लेटर थेंजाःगु फिल्मया नां न्ह्यःने दुगु खं नं थन छक्कः लुमकेबहःजू। अले सिक्किमय् नेपाली फिल्म दय्कीबले अनया सरकारं छुं भतीचा नगद अनुदान बीगुलिं नं गुलिखे फिल्म ला अन भारतीय कम्पनीया नां छुनाः पिकाइसा थन नेपाःया कम्पनीया नाम पिकाय्गु नं यानाच्वंगु दु।

च्यादै फिदै न्ह्यः थन अमेरीकाय् च्वनाच्चीपिं सरोज खनाल, कृष्ठी मैनाली व एलना श्रेष्ठयात हरि शिवाकोटीया निर्देशनय् 'ईष्टमित्र' नांयागु छगु नेपाली फिल्म दय्कूगु खः। लिपा नं 'घटना-दुर्घटना' नांयागु मेगु छगु फिल्म अमेरीकाय् निर्माण जुइगु खँ बय्बय् जुसां आःतक थ्व फिल्मयाबारे मेगु न्ह्यु खँ धाःसा पिहांवःगु खनेमदुनि। आः वया अमेरिकी भूमि हे 'अमेरिकन बाबु मेड इन् नेपाल' नांयागु फिल्म दय्काच्वंगु दु धइगु खँ दुसा थ्व फिल्म गबले पिहांवइ धइगु खँ धाःसा आः तक सी मदुनि।

सिन्धुपाल्चोकयात यें महानगरया ग्वाहालि



सिन्धुपाल्चोकया खुसिबालं लिच्चः लाःगु मेलम्ची नगरपालिकासें पाँचपोखरी, थाङपाल व हेलम्बु गाँपालिकायात यें महानगरपालिकां राहत व उद्धारया नितिं ३ करोड आर्थिक ग्वाहालि याःगु दु । यें महानगरपालिकाया प्रमुख विद्यासुन्दर शाक्य, मू प्रशासकिय अधिकृत राजेश्वर ज्ञवालिलसेया टोली मेलम्ची हे वनाः उगु स्वंगु पालिकायात ग्वाहालि ध्येबा लःल्हाःगु खः । यें महानगरपालिकां यें महानगरया भगिनी स्वापू दूगु मेलम्ची नगरपालिकायात

३ करोड व मेगू निगू पालिकायात ५०/५० लखया आर्थिक ग्वाहालि यायगु घोषणा थ्वयां न्ह्यः हे यायधुंकूगु खः । ग्वाहालि ध्येबा हस्तारण धुंकाः शाक्यलिसेया टोलीं सिन्धुपाल्चोकया मेलम्ची व इन्द्रावती खुसिङ वःगु खुसिबालं क्षति याःगु थाय्या स्थगलत निरीक्षण नं यानादीगु खः ।

‘थनया खुसिया लखं यमितयू लःया प्याःचाः लंकाच्चंगु दु । व ल्याखं नं थनया नगरपालिकासें येंया क्वात्तूगु स्वापू दु । थनया स्थानीय वासीन्दां फय्माःगु

स्याःचालयू छुं भवा सां मल्हम तयूफइला धकाः थुगु इलयू जिपिं थन वयागु खः’ शाक्यं धयादिल । कोरोनाया नापनापं मेलम्चीया जनतां मेगु विपदया सामना याय्मालाच्चंगु धासें थुगु विपदया इलयू धैर्यतालिसें न्ह्यज्यायूत नं वय्कलं इनाप यानादिल ।

उगु इलयू तत्कालीन स्वास्थ्यमन्त्री शेरबहादुर तामाङ यें महानगरपालिकां याःगु ग्वाहालि च्छायबहःगु धयादिल । वय्कलं खुसिबालं लिच्चः लाःगु थाय्या समस्या समाधानया नितिं योजना दय्केत इनाप यासें माःगु ग्वाहालि यायेत तयार दुगु नं धयादिल । अथेहे मेलम्ची नगरपालिकाया प्रमुख डम्बर बहादुर अर्यालं थुगु ग्वाहालि क्षति व्यवस्थापनयू तःधंगु तिबः चूलाःगु अनुभूति जूगु धयादिल । पाँचपोखरी थाङपाल गाँपालिकाया अध्यक्ष टासी लामां नं यें महानगरपालिकां याःगु ग्वाहालिया प्रशंसा यानादिल ।

गुठी संस्थानयू कार्यकारी प्रमुखयू किरण शाक्य

नेवाः आन्दोलनया ख्यलयू ताः ई न्ह्यःनिसें निरन्तर रुपं सक्रिय जुयावःम्ह नेपालभाषा मंकाः खलः यलया निवर्तमान अध्यक्षतकं खःम्ह किरण शाक्य गुथि संस्थानया कार्यकारी प्रमुख (प्रशासक) पदयू नियुक्त जुयादीगु दु । नेपाल सरकारया वंगु जेठ २० गतेया निर्णय कथं शाक्य गुठी संस्थानया कार्यकारी प्रमुखयू नियुक्त जुयादीगु खः ।

नियुक्तीलिसें हे शाक्य संस्थानया केन्द्रीय कार्यालय त्रिपुरेश्वरयू वनाः पदभार नं ग्रहण यानादीधुंकूगु दु । पदभार ग्रहण यायू न्ह्यः वय्कलं भूमी व्यवस्था, सहकारी व्यवस्थापन व गरिवी निवारण मन्त्री लक्ष्मण लाल कर्णया ज्याकू सिंहदरवारयू सपथ



ग्रहण यानादीगु खः । थःगु नियुक्ती धुंकाः शाक्यं शताब्दी पुरुष सत्यमोहन जोशीयात नं नापलानादीगु खः । शताब्दी पुरुष जोशीया बखुंबहाःस्थित छैयू हे वनाः नापलासें शाक्यं जोशीया उसाँय अवस्थाया जानकारी नं कयादीगु खःसा थः गुठी संस्थानया कार्यकारी प्रमुखयू नियुक्त जूगु जानकारी बिचाः जोशीपाखें सुभाव कयादीगु खः ।

शाक्य गुठी संस्थानया कार्यकारी

प्रमुखयू नियुक्त जूगुलिसें सामाजिक संजालयू वय्कःयात बधाइया खुसिबाः वयाच्चंगु दु । नेवाः पत्रकार राष्ट्रिय दबूया कानूनी सल्लाहकार तकं खःम्ह शाक्य संस्थानया कार्यकारी प्रमुखयू नियुक्त जुयाकथं दबुलिं विज्ञप्ती जारी यानाः वय्कःया लसहनालिसें कार्यकाल सफलता भित्तुना देछाःगु खः । अथे हे, नेवाः ख्यःया थीथी संघसंस्थां वय्कःयात भित्तुना देछासें छ्ँयैय्सगं देछायगु ज्या नं जूगु दु । शाक्ययात ललितपुर उद्योग वाणिज्य संघया पूर्व नायः अजरमान जोशी, यल महानगरपालिका वडा १६ या वडाध्यक्ष निर्मल रत्न शाक्यलिसें शाक्य बज्राचार्य समाज यल, थ्याका पासा पुचःलिसें नं शाक्ययात भित्तुना ब्यूगु खः ।

यें...

आर्थिक दै २०७८/७९ या बजेट व कार्यक्रमयू संघ, प्रदेशं काःगु उद्देश्यया परिपूर्ति यायूत स्थानीय स्रोत व साधनया अधिकतम परिचालन यानाः समृद्ध नेपाल, सुखी नेपालीया राष्ट्रिय आकांक्षा पूरा यायूत ग्वाहालि जुइगु धाःगु दु ।

बजेटयू उद्देश्य हासिल यायूत कोभिड-१९ या रोकथाम, नियन्त्रण लिसें उपचार, भौतिक पूर्वाधार विकास, फोहोरमैला व्यवस्थापन, लैङ्गिक समानता व सामाजिक समावेशीकरण, भाषा, संस्कृति व सम्पदा संरक्षण व प्रवर्द्धनयात प्राथमिकतायू तःगु दु । महानगरपालिकां न्ह्यु आर्थिक दैयू महानगरवासीया लागिं नेपाल सरकारं स्वास्थ्य विमा कार्यक्रमयू ५० प्रतिशत विमा शुल्क व्यहोरे यायूत बजेट विनियोजन याःगु दु । अथेहे ज्येष्ठ नागरिक विशिष्टीकृत सेवासहितया महानगर विशेष अस्पताल सञ्चालन यायूत नं बजेट विनियोजन याःगु

दु । ‘मेयर उज्यालो कार्यक्रम, कोभिड-१९ या रोकथाम, नियन्त्रणनापं उपचार, प्रत्येक वडायू म्हवतिं छगू सार्वजनिक चःबि, प्रत्येक वडायू छगू नमुना विद्यालय, प्रत्येक वडायू न्यूनतम छगू पार्क, ज्येष्ठ नागरिकयात माःगु स्वास्थ्यलगायतया सेवा सुविधा नं बजेटयू समावेश यानातःगु दु । अथेहे महानगरपालिकां ज्येष्ठ नागरिक मिलन केन्द्र, मेलमिलापपाखें स्थानीय विवाद समाधानयात प्राथमिकता, अपाङ्गता जूपिं महानगरवासीया लागि ग्वाहालि, मानवअधिकार प्रवर्द्धन, लैङ्गिक समानता व सामाजिक समावेशीकरण, आधारभूत शहरी भौतिक पूर्वाधार, संस्कृति व सम्पदा संरक्षण, स्थानीय भाषाया संरक्षण व प्रवर्द्धन, उद्यमशिलता प्रवर्द्धन, विद्युतीय शासनया प्रवर्द्धन, युवानाप मेयर, पौरखी मेला, खेलकूदया विकास, जीवन निर्वाहया लागिं पारिश्रमिकलगायतया कार्यक्रमया लागिं नं बजेट विनियोजन याःगु दु ।

वहस...

फोन खँल्हाबल्हाया रेकर्ड न्यनेबलयू सरस्वती प्रधानं थःपिन्त छुं नं अज्याःगु मतलब मदुगु तर ९२ दै दयधुंकूम्ह माजुया हुनिं कोथा बी मफइगु धकाः तारन्ताः हे तं चायेमते न्हि धकाः इनाप याःगु दु । अले गनं नं जातया खँ उल्लेख हे याःगु मदु । अभ्र लिपा वयाः ला कोथा तयार दु, च्वंवःसां ज्यू धकाः सार्वजनिक रुपं संचारमाध्यमयू तक नं धाःगु दु । थ्व इस्सूयात माःगु स्वयां अप्वः तःधंकाः सेन्सेनल दय्केगु ज्या जूगु खनेदत । संचारमाध्यमं नं थुकियात यक्व हे ल्हवंगु दु । एमपक्षीय समाचारया ल्यूल्गू वनाः नेवालं दलितयात दलितं नेवाःयात ब्वःबीगु ज्या यक्व हे अप्वःगु दु । थ्व हे मुद्दालिसे स्वानाः आरक्षणया नं विरोध जुयाच्चंगु दु । आरक्षण छु खः धइगु हे मथुइकुसें नेवाःतय्सं हे आरक्षणया विरोध यानाच्चंगु अजूचायापूगु खँ खः । आरक्षण धइगु राज्य संयन्त्रयू ल्यूने



आनन्दकुटीइ निःशुल्क शिक्षा

कोभिड १९ या महामारीपाखें प्रभावित परिवारया नितिं ग्वाहालिया तातुनां आनन्दकुटी विद्यापीठं निःशुल्क ब्वंकेगु क्वःछ्यूगु दु । आर्थिक सामाजिक रुपं हाथ्या अप्वयाच्चंगु थौंया अवस्थायू अभिभावकतयूत अःपुइमा, विद्यार्थीत नं गुणस्तरीय शिक्षां बज्चित मजुइमा धकाः थुगु ब्यवस्था यानागु विद्यापीठं धाःगु दु । गुणस्तरीय शिक्षायू प्रतिवद्ध विद्यापीठं थुगु क्वःछिनाकथं कक्षा १ निसें ९ तक १२० म्ह विद्यार्थीतयू भर्ना कायगु ग्वसाः ग्वःगु दु । थुगु ब्यवस्थाकथं भर्ना शुल्क

१०० तका पूसा गाइसा मासिक शुल्क निःशुल्क हे जुइ । तक्रु क्षेत्र, खुल्ला भित्तेगु ख्यः व माःकथंया सकतां पूर्वाधार दुगु विद्यापीठं गुं दथुइ दु । ७० गू दशकनिसें शिक्षाया जः ह्वलाः वयाच्चंगु थुगु विद्यापीठ विश्व सम्पदा स्वयम्भू महाचैत्य लिक्क लाः । अमृतानन्द महास्थवीरं २००८ सालयू बुद्ध शिक्षा बीगु तातुनां पलिस्था यानादीगु आनन्दकुटी विद्यापीठं कोभिड १९ या महामारीया निगुगु लहरयू ५० शैयाया आइशोलेशन सेन्टर नं न्ह्याक्गु खः ।

खुसिबाःया जोखिम रोकथाम, व्यवस्थापन पूर्व तयारीइ यें महानगर

मनसुन सक्रिय जूगुलिसें यें महानगरपालिकां खुसिबाःया विपत रोकथामया नितिं ज्या न्ह्याक्गु दु ।

महानगर जुयाः बाः वनीगु खुसिङ खुसिबाः वःबलयू न्हापा जूगु घटनायात स्वयाः सम्भावित जोखिम पूर्वानुमान यानाः ज्या न्ह्याक्गु खः । विपद व्यवस्थापन विभागया प्रमुख रविनमान श्रेष्ठ न्हापा हिजाखुसि जुयाः अनामनगर क्षेत्र, बल्खु खुसिं बल्खु क्षेत्र, सामाखुसिं

सामाखुसि क्षेत्रयू वःगु समस्या लुमंकुसें थ्व बाहेकया क्षेत्रयू समस्या जुइमखु धायू मफइगु खँ तयादिल ।

श्रेष्ठया कथं आः अनामनगर, सामाखुसि लिसेंया क्षेत्रया सफाइ व पूर्वाधारया माग वःगु दु । थ्व बाहेक खुसिबाःजन्य प्रकोपया व्यवस्थापनया लागिं छगः लोडर, लः सालेगु सक्सन गाडी व पम्प, त्रिपाल, स्वाहाने, खिपःलिसेंया सामाग्रीया व्यवस्था याःगु दु ।

लाःगु वर्ग, पुचःयात राज्यया पहुँचयू हयूत बीगु निश्चित ईया सुविधा खत । आः थ्व सम्वन्धयू नेवाः नं राज्य संयन्त्रयू ल्यूने लाःगु समुदाय खःसा दलित नं । आरक्षण म्वाःगु पुचलं थ्व इस्सूलिसे स्वानाः आरक्षणया विरोध यायूवं नेवाःत नं थुकिया हे ल्यूल्गू वंगु खनेदत । क्षमताया आधारयू जक प्रतिस्पर्धा याकेगु खःसा उगु प्रतिस्पर्धायू कम से कम आः नि नेवाःत नं न्ह्यःने वयू फइमखु । लोक सेवाया परिक्षायू थः मनुतयूत अप्वः ल्याः ब्यूगु खँयू कारवाही जुगु समाचार पिहांवःगु यक्व मदुनि । व्यक्ति विशेषया खँयू समग्र समुदाय हे द्यायेमालीगु खँ ल्हायूत भीसं छकः बिचाः यायूमाःगु खनेदु ।

उकिया नापं थन दलित समुदायलिसे दलित अधिकारकर्मी जातीय छुवाछुतया खँयू सरस्वती प्रधानयात कारवाही यायू माःगु खँ ल्हानाच्चन । छु सरस्वती प्रधानयात कारवाही यायूवं समाजं जातीय भेदभाव

तनावनी ला ? अथवा येंया च्याम्ह, भिम्ह अथवा सच्छिनिसः वा द्वःबद्धः घरपतितयूत कारवाही यायूवं जातीय भेदभाव मदइगु जुल ला ? समाजयू जबरजस्ती यानाः भेदभाव तनीला अथवा जनचेतना वयू आवश्यक जू । उकिया नापं दलित वा नेवाः समुदायं बिचाः यायूमाःगु मेगु खँ धइगु जातीय भेदभावविरुद्धया आन्दोलन राज्य व्यवस्थाविरुद्ध खः अथवा थनया घरपतिविरुद्ध ? दलित समुदायं थःपिन्त राज्य संयन्त्रयू समान प्रतिनिधित्वया माग यानाच्चंगु दु । जायज माग नं खः, आः जातीय भेदभावविरुद्धया आन्दोलन धकाः राज्य संयन्त्रयू पहुँच मदुगु दलित समुदायं राज्य संयन्त्रयू पहुँच मदुगु मेगु समुदाय नेवाःतयूविरुद्ध हालाजुयां उपलब्धी छु दइ ? राज्यपाखें उपेक्षित, उत्पीडित निगु समुदाय ल्वानाः लबः सुइत दइ ? बिचाः यायूमाःगु गम्भीर विषय थ्व हे खः ।

Sweet Cave
(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दती रसिद धितो त्यासा
(च) क्रमिक निक्षेप त्यासा

मिलन बहुउद्देश्यीय सहकारी संस्था लि.
ह्वनाछैं, पाको, न्हूसतक, यें, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

NOVEL CORONA VIRUS (nCOV)
सर्वसम्बन्धपूर्णता लागि जनचेतनामूलक संदेश

नोबेल कोरोना भाइरसका मुख्य लक्षणहरू

ज्वरो
१००५ F +२ भन्दा बढी

घाम प्रवाहमा
आन्तरिक सम्बन्ध

रुख र खोकी

नोबेल कोरोना भाइरसबाट बच्ने बाट र कसलाई बचाउने?

निर्दिष्ट रूपमा खाना, चर्को हात धुने

संस्पर्श र हावाबाट बच्ने

घोरो रोगीबाट दुरी राख्ने

घोरो रोगीबाट दुरी राख्ने

घोरो रोगीबाट दुरी राख्ने

नोबेल कोरोना भाइरस प्रभावित देशहरूबाट आउने सविकसहरू दुई हप्ता भित्र क्याम्पेन सार्ने, ज्वरो आउना, छट्टी/टडो दुबैमा, स्वास्थ्यकर्मी आन्तरिक सम्बन्ध भएका तुरुन्तै जात्राको स्वास्थ्य संस्था सयार्थ गर्नु।

कीर्तिपुर नगरपालिका
नगर कार्यपालिकाको कार्यालय, देवढोका काठमाडौं

Binod Mahajan
9841366552, 9808644888

बि.आर्ट्स

B. Arts

• Banner, Flex Board
• Glow Sign Board
• Sticker Cutting / Printing
• Screen Rubber Print
• Self-ink Rubber Stamp
• PVC/JOY Visiting Card
• all kinds of press works

Nayabazar, Kirtipur
4335491, b.arts4335491@gmail.com

भर्ना खुल्यो
Child Care PlayGroup

New Zenith English Model School
Bharanghela-15, Kathmandu, Ph: +977 1 4247104, 4215416
Email: NewZenithSchool@gmail.com, Web: newzenith.edu.np

(बर्सरी देखि +२ सम्म पढाई हुने।)

काठमाडौं महानगरपालिकाको
निःशुल्क एम्बुलेन्स सेवा
अस्पताल जानको लागि
निःशुल्क एम्बुलेन्स सेवाको लागि
सम्पर्क गर्नुहोस्
कोभिड विरामीका लागि
१०२
नन कोभिड विरामीका लागि
११८०
मा कल गर्नुहोस्।

काठमाडौं महानगरपालिका
हरिभवन, सुन्धारा, काठमाडौं

ON METAL
ARTS & CRAFTS

Specialized in Immense Nepali and Tibetan Metal Crafts

T: 977-1-5531282 Res / 5251373 Workshop
M: 9841209588 / 9843516111
E: onmetal@live.com
W: www.onmetalart.com
www.facebook.com/onmetal

Hattiban, Dhapakhei-1, Lalitpur, Nepal

The Group of Traditional Repousse Art

IMAGE ATELIER
Traditional Art & Repousse from Nepal
T: +977-1-5203858
M: +977-9841261160
E: rabindra@imageateliers.com
imageateliers@gmail.com
W: www.imageateliers.com
Imadol-6, Lalitpur, Nepal

Creative
Traditional Metal Arts & Crafts
T: +977-01-6922772
M: +977-9841261161
E: rajendra@creativenepalcraft.com
creative@gmail.com
W: www.creativenepalcraft.com
Harisiddhi, Silauti, Lalitpur, Nepal

दीन, दुखी व असहायपिन्त निःशुल्क स्वास्थ्य सेवा प्रदान।
दानी, सुखी व सम्पन्नयात सशुल्क स्वास्थ्य सेवा वरदान।।

छत्रपाटी निःशुल्क चिकित्सालय (अस्पताल)
स्तरीय सुलभ स्वास्थ्य सेवा सकसिया निम्ति, असहायपिन्त जक निःशुल्क

उपलब्ध सेवा

२४ सै घण्टा सेवा

• आकस्मिक सेवा
• प्याथोलोजी
• एक्स-रे
• ई.सि.जी.
• इको
• वासः पसः
• अन्तरंगा सेवा

शल्यक्रिया

• मोतिबिन्दु
• जनरल सर्जरी
• नहायप, नहाय, गपः
• हाड जोर्नी नशा
• पिसाव नलीया पल्थर बिना चिरफार

बहिरङ्ग सेवा

• मुटु लव्य
• प्वाःया लव्य
• युरोलोजी
• मिसा लव्य
• मचा लव्य
• वाया लव्य
• मिसा लव्य

अन्य सेवा

• ड्रेसिङ्ग
• ईण्डोस्कोपी
• कोलोनोस्कोपी
• फिजियोथेरापी
• अल्ट्रासाउण्ड, कलर डप्लर व इको
• युरोपेली स्तरया दन्त प्रयोगशाला

२४ घण्टा ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np